

Kata Pengalo – Ngalo Ras Momo

=====

Turang ras senina ibas Tuhanta Jesus Kristus, selaku serayan Tuhan, ikataken kami mejuah-juah ras selamat wari Minggu man banta kerina. Man bandu kekelengen kami si sekali enda denga erkebaktin ibas gerejanta enda, ikataken kami mejuah-juah. Kerehenndu nambahi keriahen man banta kerina. Ibas bena kebaktinta, mari dage si dengkehken momo kerna perdalenen perpulungen Tuhan, bage pe rencana pelayanen gerejanta ku bas wari-wari si reh enda [\(Ngogeken Momo\)](#).

Kata Penaruh

=====

Senina ras turang kekelengen Tuhanta Jesus Kristus, wari enda bengket me kita ku bas Minggu Kebaktian Anak Kebaktian Remaja (KAKR). Arah minggu enda kita idilo segelah ngidah kerna dahin ras tanggung jababta guna mpepaguhi kiniteken anak-anakta. Anak-anak e me palas gereja si arus iperdiateken menaken kitik-kitik nari.

Mari dage sibengketi kebaktinta enda guna ngidah sura-suta Dibata nandangi anakta bage pe man banta.

Erkata Lonceng

(Perp. Tedis)

Rende

KEE No. 9 : 1, 2, 3

(Serayan Kebaktin Bengket Ku Mimbar)

Kebaktin Minggu, 02 Agustus 2026
Minggu IX Kenca Trinitatis / Minggu KAKR

3	Votum – Salam <i>(Perp. Tedis)</i>
L	I bas gelar Dibata Bapa si njadikan langit ras doni, i bas gelar AnakNa Jesus Kristus si erdiate nandangi orangtua bage pe anak-anak, ras i bas gelar Kesah Si Badia si mpengasup kita guna nandai ras meteh tanggung jababta nandangi anak-anak. Perkuah ate ras dame si rehna idur Dibata Bapa, AnakNa Jesus Kristus ras kerembaken Kesah Si Badia ras kita kerina gelah. Amin.
P	Amin Amin Amin <i>(iendeken)</i>
4	Berita Kerna Perbahanen Ras Sura-Sura Dibata (Invocatio)
L	“Jelma si nggeluh nge si muji Kam, bagi aku muji Kam genduari. Bapa-bapa nuriken kesetianNdu man anak-anakna” (Jesaya 38 : 19). Erpalasken Kata Dibata enda, sipuji IA alu ras kita rende : KEE No. 457: 1, 2
5	Pujin Kerna Perbahanen Dibata <i>(Perp. Kundul)</i>
L	Keleng ate Dibata si tetap, ngarak-ngarak kegeluhen manusia i bas bertin nari seh ku sipatna.
P	Bujur Tuhan, kekelengenNdu labo kepe erleka menaken i bas bertin nari seh paksa enda.
L	Dibata mereken anak-anak ku tengah-tengah jabunta, guna jadi dalanta naksiken ras encidahken keleng ate Dibata.
P	Terpujilah Kam Tuhan, iberekenNdu anak-anak ku tengah-tengah jabu kami guna jadi dalam kami nehken keleng ateNdu.
L	Mari sipuji Tuhan arah ende-endenta : KEE No. 213 : 1, 2
6	Kinata Kegeluhen i Bas Jabu
L	Adi siperdiateken ku bas kegeluhen jabunta, mawen-mawen la

	sigejap maka Dibata kap empuna jabunta. Anak-anakta e pemere Dibata kap. Keleng kel ateNa kita.
P	Ngaku kami Tuhan, megati la ikepkep kami anak-anak alu payo, bagi si isurakenNdu.
L	Anak-anakta me kap gereja si genduari bage pe pagin.
P	Ngaku kami Tuhan, kurang kel kami mereken pengajaren ras mabai anak kami erkemalangen man baNdu. O Tuhan, pengasup min kami nehken sura-suraNdu nandangi anak-anak kami.
L	Mari si pindo pergegeh man Tuhan arah ende-endenta : KEE No. 124 : 2, 3
7	Kata Pergegeh Ibas Dibata Nari <i>(Perp. Tedis)</i>
L	Selaku persuruhan Dibata, aku nehken kataNa man banta kerina : <i>“Tapi kam, tetaplah ndalanken kebenaren si rehna i bas Dibata nari si enggo iajarken man bandu dingen enggo tuhu-tuhu kam tek. Ietehndu kap ise nai si ngajari kam. Janah ingetndu pe maka kitik-kitikndu nari enggo ietehndu kerna Pustaka Si Badia, si ngasup mereken kepentaren man bandu, e me si mabai kam ku keselamatan arah kiniteken man Kristus Jesus”</i> (2 Timotius 3 : 14 - 15). Mari si puji Tuhan arah : KEE No. 454 : 1, 2, 3
8	Kata Dibata <i>(Perp. Kundul)</i>
a	Marilah sibegiken Kata Dibata bagin si pemena sini ibuat ibas Kitab Perbahanen Rasul-rasul 21 : 1 - 6 . Mari siogeken secara pegancih. Sibenaken pengogenta
	<u>Paulus lawes ku Jerusalem</u>
21:1 L	Kenca kami sirang ras kalak ndai, terus kami erlayar ku pulau Kos. Pepagina seh kami i pulau Rodus, janah i Rodus nari lawes kami ku Patara.
21:2	I Patara lit sada kapal muatna berkat ku Penike. Inangkihi kami

P	kapal e, jenari berkat kami erlayar.
21:3 L	Kenca teridah pulau Kiprus arah kawes iterusken kami erlayar ku Siria. Singgah kami arah Tirus sabap muaten kapal e ibongkar i je.
21:4 P	Nusur kami i datas kapal nari, jenari idahi kami kalak si enggo tek man Jesus. Sada minggu dekahna kami ras kalak si enggo tek e. Bekas pengajari Kesah Si Badia alu mesek-sek nina kalak si enggo tek e man Paulus, “Ola kam lawes nangkeng ku Jerusalem.”
21:5 L	Tapi kenca seh paksana kami berkat, iterusken kami perdalanen kami. Kerina kalak e ras ndeharana bage pe anak-anakna ikut naruhken kami ku darat kuta. I tepi lawit ras-ras kami erjimpuh ertoto man Dibata.
21:6 P	Jenari kenca kami sisalam-salamen, nangkih kami ku kapal janah kalak e mulihken ku rumah.
	Ketuahen kalak si megiken Kata Dibata, dingén si makekenca i bas geluhna si tep-tep wari. Haleluya. Ialoi perpulungen alu ngendeken : <i>Haleluya</i> <i>Haleluya</i> <i>Haleluya</i>

b	Ertoto guna Khotbah
c	Khotbah : 1 Samuel 1 : 1 - 4. Tema : “Mbabai Anak Ersembah”
d	Ertoto kenca khotbah
9	Pengakun Kiniteken <i>(Perp. Tedis)</i>
	Aku tek man Dibata Bapa si la ersibar kuasaNa, si nepa langit ras doni. Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate. Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap. Amin.
10	Persembahen <i>(Perp. Kundul)</i>
L	Kata Dibata si jadi palas ibas kita nehken persembahen pengataken bujurta man Dibata : <i>“O senina-senina, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur” (Roma 12 : 1).</i> Tupung sisehken persembahen, sipuji Tuhan ras kita rende : KEE No. 458 : 1, 2, 3, 4 Pertoton Persembahen ras Sapaat
11	Perpadanen Man Dibata <i>(Perp. Tedis)</i>
L	O senina ras turang, enggo icidahken Dibata keleng ateNa arah

	anak-anakndu. Kai dage padanndu man Dibata ibas ngaloken kelenga ateNa e ?
P	Erpadan kami Tuhan, njaga dingén ngkelengi anak-anak kami.
L	Mbelin kel sura-sura Dibata nandangi anak-anak si ipelimikenNa man bandu, subuk nandangi jabundu, gereja ras masyarakat.
P	Erpadan kami Tuhan guna ngepkep anak-anak kami ibas erkiniteken, pengajaren ras kegeluhenna i doni enda. Seh maka anak-anak e jadi pasu-pasu nandangi jabu, gereja ras masyarakat.
L	Mari sipeteguhi perpadanenta enda arah ende-endenta : KEE No. 414 : 1, 2, 3
12	Pertoton Tuhan
13	Pengutusen Ras Pasu-Pasu Dibata
L	Berkatlah kam ku kegeluhénndu sekalak-sekalak, pebelin-belinlah anak selaku pemere Dibata, ajari dingén tegu-tegu ia bagi si ngena ate Tuhan. Guna si e, alokenlah pasu-pasu idur Dibata nari : <i>“Ipasu-pasu janah ikawali Dibata kam; siang ayo Dibata ersinalsal i babondu, janah melias ateNa ngenehen kam. Itatap Dibata ku kam, janah malem atendu ibahanNa”</i> Amin. (Bdk. Bilangen 6 : 24 – 26).
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM</i>